

## TROVATORE IN TRANSITO

LUNS 13 DE JUNH A 21 ORAS MATTEO ZENATTI A DRAONIER

Seguir lhi pas di trobadors qu'entre 1100 e 1200 eron arribats en las corts del Piemont. Aquesta l'idea naissua drant d'la pandemia da la bigalhaa fantasia del veronés Matteo Zenatti, tenor madrigalista, ensenhaire de chant antic, actiu en importantas formacions vocalas de musica medievals en Italia e fòra. Ental 2021, per cas, començava via Twitter un



eschambi de messatges entre Espaci Occitan e Zenatti, entencionat a conciliar lhi lòngs estudis sal repertòri trobadòric abo lo plaser de chaminar en vir, arribant fins al Marquesat de Bonifaci I del Montferrat; enti siei chastèls arsonavan las chançons de Raimbaut de Vaqueiras, aici per ben 11 ans, e de Gaucelm Faidit. L'idea de Zenatti era aquela d'arpooner las musicas escrichas da Raimbaut e Gaucelm, e a travers aquelhi antics componiments rescontrar de novèls escoltators en de pòsts fòravia, fòra da las salas da concèrt. Es naissua parelh l'idea d'organizar un chamin a travers las tèrras del Montferrat per reveire lhi pòsts de Bonifaci, arpistant sias peaas, e demandar auberge, pròpi coma fasion lhi trobadors, en paga des chançons chantaas e sonaas abo l'arpa.

L'Espaci Occitan a ben apreciat la propòsta originala e la competença de Zenatti, e lhi a semonut de començar son chamin pròpi da Draonier, qu'abo l'Institut d'Estudis Occitans rapresenta totas las valadas de lenga d'òc.

Com'aquò gracias a internet Zenatti a organizat un percors, una *performance* sonaa **Trovatore in transito**, que farè a pè, abo sac e arpa reconstruïa da miniaturas del Dui Cents, se meirant e ufrent un espectacle lo ser. Una *performance* al jorn, entre provincia d'Coni e Montferrat: en tot 170 km, mai o menc 17 al jorn.

Lo viatge de Matteo Zenatti començarà **luns 13 de junh da Draonier**, ente cantarà en la **Confraternita del Gonfalon, en Via XXV Aprile, a 21 oras**; ental concert, organizat da l'Espaci Occitan, presentarà las mai famosas composicions de Raimbaut de Vaqueiras e Gaucelm Faidit, e la lectura d'la *vida* (biografia) e des *razos* (motius del componiment), textes del 1300 en lenga d'òc. L'apontament fai part del projèct de l'Union Montana Val Maira realizat abo lo sostenh de la Presidença del Conselh di Ministres - Dipartiment per las questions regionalas e las autonomias" ai sens de la L. 482/99 an 2020.

Lo matin d'après Zenatti partarà a pè per arribar a Busca, ente cantarà lo 14 de junh a 19 oras a las Serras Monumentalas del Chastèl del Ròcol gracias a l'Associacion Castello del Roccolo aps. Lo 15 de junh serà a Saluces ent'un concert organizat abo Terres Monviso, e lo 16 a Savilhan (seraa a cura de Giovanni Badino, guida naturalistica). Arribarà après a Bra, e traversant lo Roero e la provincia d'Ast devaria arribar lo 25 de junh a Casal, truchant simbolicament la cort de Bonifaci I.

Aquesta seconda part de percors serà companhaa da Simone Cunego, videomaker e excursionista, mas qui vorguesse companhar Matteo decò mec per un pichòt tòc en lhi jorns precedents serà lo benvengut.

Lo projèct de Zenatti se pòl seguir si siei social Fb e Tw @matteozenatti, lg @matteozenattimusic e sal blog <https://www.matteozenatti.net/trovatore-in-transito/>

Tuchi lhi concerts de Matteo Zenatti serèn gratis; per lo 13 de junh chal portar la masquerina FFP2. Informacions en cò de Espaci Occitan, tel. 0171.904075, [segreteria@espaci-occitan.org](mailto:segreteria@espaci-occitan.org).